

診家索隱



診家索隱卷下

新安羅浩養齋甫輯

張石頑云古人歷陳某脈某病鑿鑿諸例宗之亦似
向泥人祈禱有時靈應有時不靈應必除得胸中落
索方能觸類旁通一無餘蘊

張石頑云王氏脈經全氏太素多拾經語溷廁雜毒
於中偶一展卷不無金屑入眼之憾他如紫虛四言
丹溪指掌嬰寧樞要瀕湖脈學士材正眼靡不稱譽
於時要皆刻舟求劍按圖索驥之說吾當以三昧水

諸家異論
卷一
滌除塵見顯示活法悟門不涉纖微陳跡便可言下
薦機要知冰卽是水別傳之義原不外軒岐仲景祖
祖相承之心印耳

余抑菴云素問脈要精微論曰持脈有道虛靜爲保
言醫者於持脈之間必虛其心無雜念靜其身無燥
動然後神閒氣定乃能得脈之真中病之竅而人賴
之以保其生也先聖之垂訓其諄切也如此今人則
不然診視之際如優人登場關目畧具而已又且意
在探病罔窺精微心憶方書瞻顧不定此全恃聞問

功夫與虛靜二字正相反也間有高明之士又往往
故示神奇纔一下指輒爾舉方夫脈必三部九候方
合經旨今卽不能盡依古人亦須逐一詳審庶乎有
據若一視便謂了然雖岐黃復生恐亦不能若此也
嗟嗟病者竭誠而來醫者以如是應之寧不以人爲
草菅乎況乎廿八脈之權變未必其果達也於是制
爲一律之方但用和平輕淡之品無論寒熱人人可
服服之不效則久服之久服不效歸於人命不知和
平輕淡之品雖不害人實不能瀉虛不能補病久漸

卽於殆因循誤之猶之治國大奸不除大荒不救釀
成禍亂以致危亡病之不保亦同皆緣脈之不審醫
者可不自省哉

盧子由云診法多端全憑指法提取食指肉薄而靈
中指則厚無名指更厚且木是必指端稜起如線者
名曰指日以按脈中之脊無論洪大絃革卽小細絲
微咸有脊焉真如目之視物妍醜畢具故古人稱診
脈爲看脈可想見其取用矣

滑伯仁曰取脈之要有三曰舉按尋輕手尋之曰舉

重手取之曰按不輕不重委曲求之曰尋又舉必先按之按則必先舉之以舉物必自下而上按物必自上而下也

林慎菴云凡診先以三指齊按所以察其大綱如陰陽表裏上下來去長短溢脈覆脈之類是也後以逐指單按所以察其部分每部下指先定經脈時脈以審胃氣分表裏寒熱虛實辨血分氣分陰陽盛衰藏府所屬浮候中候沉候以消息之何部異於衆部便屬此部有病候其盛衰之極者以斷之

滑伯仁云脈有上下來去至止不明此六字則陰陽虛實不別也上者爲陽來者爲陽至者爲陽下者爲陰去者爲陰止者爲陰上者自尺部上於寸口陽生於陰也下者自寸口下於尺部陰生於陽也來者自骨肉之分而出於皮膚之際氣之升也去者自皮膚之際而還於骨肉之分氣之降也應曰至息曰止也張景岳曰大都脈代時宜無太過無不及自有一種雍容和緩之象便是胃氣之脈

林慎菴云凡脈緩而和勻不浮不沉不大不小不疾

不徐不長不短應手中和意思欣欣悠悠揚揚難以名狀此真胃氣脈也

朱改之云脈健旺者按之柔和微弱者按之應指便是胃氣合微弦微鈎以觀自得之矣

盛啟東云舉按堅強搏擊有力或微渺在骨按不可得胃氣絕也

張三錫云人肥白脈多沉弱而濡或滑以形盛氣虛多濕痰故耳人黑瘦脈多數疾或弦以陰水不足火常盛故耳

吳鶴臯云神氣充實一手或兩手脈上魚際必壽素
無此脈一旦見者陰乘陽也爲逆氣喘息

楊仁齋云陽脈人雖病寒常浮洪陰脈人病雖熱常
微細

張世賢云尺脈而見陽脈乃陽乘於陰陽脈之中雖
時沉濇而短此乃陽中伏陰寸部而見陰脈乃陰乘
於陽也陰脈之中雖時浮滑而長此乃陰中伏陽也
張石頑云春脈弦見於人迎肝氣自旺也設反見於
氣口又爲土敗木賊之兆或左右關雖弦而小弱不

振是土衰木萎法當培土榮木設用伐肝之劑則脾土愈困矣或肝病證劇六脈絕無弦脈是脈不應病亦不可治舉此以爲諸脈之例不獨肝藏爲然也張石頑云盛啓東以新病之死生係右手關脈宿病之死生係左手之關尺蓋新病穀氣猶存胃脈自應和緩卽因邪鼓大因虛減小然須至數分明按之有力不至濁亂再叅語言清爽飲食知味胃氣無傷如脈至濁亂至數不分明神昏語錯病氣不安此爲神識無主苟非大邪暝眩豈宜見此久病左關尺更弱

按之有神可卜精血之未艾他部雖危治之可生若
尺中弦緊急數按之搏指或細小脫絕者法在不治
緣病久胃氣向衰又當求其尺脈爲先天之根氣也
盛啓東云診得浮脈要尺有力爲先天腎水可恃發
表無虞診得沉脈要右關有力爲後天脾胃可憑攻
下無虞

儲種山云凡病寒熱以遲數爲標虛實爲本且如熱
症見數脈按之不鼓而虛者爲元氣不足虛火遊行
於外乃假熱也作不足治之如診而實方爲真也且

如寒症見遲脈診之鼓擊而實爲邪火伏匿於中乃假寒也當作有餘治之如診而虛方爲眞也

林慎菴云久病無脈氣絕者死暴病無脈氣鬱可治傷寒痛風痰積經閉憂驚折傷關格吐利氣運不應斯皆勿慮

林慎菴云凡大吐後有脈伏二三日不出者不可因其無脈而遽斷爲死證也

楊仁齋云崇家面色黯慘脈乍大乍小乍有乍無或邪視如淫脈錯雜不倫或刮駛暴至或沉伏或雙弦

或鈎啄或衰運或橫格或促散或尺部大於關寸或關部大於尺寸是皆染祟得之刮趺鈎啄多見於脾洪運衰衰多見於肝橫格促散多見於心肺大抵祟家心脈洪散肝脈洪盛尤可驗焉

皇甫氏云初病讖語六部無脈然切大指之下寸口之上却有動脈謂之思脈也

林慎菴云脈症不應捨症從脈捨脈從症有從一分脈二分症者有從一分症二分脈者有清高貴人兩手無脈有左大右小左小右大槩從症治

張景岳云痛在經者脈多弦大痛在藏者脈多弦微
又內傷之脈其緊其來也漸外感之脈其緊其來也
陡以此辨之似緊非緊但較之平昔稍見滑疾亦外
感輕症或初感而未甚

張石頑云草木無心其皮幹莖葉皆有脈絡貫通以
行津液頑石無知亦中懷脈理以通山澤之氣適當
亢旱陰霖嚴寒酷暑則木石皆爲變色況於人乎故
善診者察脈按色卽知其症

張石頑云病家有三病一者匿其病情驗醫之工拙

一者隱蔽難言之病巧爲飾辭一者未診先告以故使溺成說畧不加詳老成名宿反費推敲

張石頑云診脈合色設深閨窈窕密護屏幃不能望見但須驗其手腕色澤之蒼白肥瘠已見一斑至若肌之滑濇理之疎密肉之堅軟筋之粗細骨之大小爪之剛柔指之肥瘦掌之厚薄尺之寒熱及乎動靜之安危氣息之微甚更合之以脈參之以症

盛啟東云脈下指浮大按久索然正氣大虛之象無問暴病久病皆正衰不能自主隨虛陽發露下指濡

奕久按搏指裏病表和非藏氣受傷卽堅積內伏不可以脈沉誤認虛寒大抵病脈初下指雖見乏力或絃細不和按至十餘至漸和者必能收功若下指和按久微濇不能應指或漸覺弦硬者必難取效也

張石頑云脈有始病不浮病久而脈反浮者此中氣虧乏不能內守反見虛痞之兆若浮而按之漸衰不能無假象之虞又一手浮大一手小有平素偏旺之故

張石頑云肥人脈沉然多濕傷血分腎肝之脈宜沉

冬月亦宜沉肥人冬月六脈皆沉溫之不應當以流動之品治之

張石頑云脈沉是氣皆由大氣鬱滯不舒故脈見沉象有力宜辛散無力宜溫養

張石頑云鬱症脈沉在肝腎見於左在脾見右脈兼牢革弦強正氣傷也不治

易思蘭云三焦脈洪大侵上脾肺脈沉微症見倦怠口乾不能食此肺火病

張石頑云人迎氣口所以分表裏之陰陽寸口尺內